

**MANGABUDLAY DIHA NI CRISTO
NGA MALANGKOBON-SA-TANAN NGA GIHULAGWAYAN
SA MAAYONG YUTA ARON MATUKOD ANG IGLESIA
NGA LAWAS NI CRISTO, ARON MATINUOD
UG MAPADAYAG ANG GINGHARIAN,
UG ARON MAKAAANDAM ANG PANGASAW-ONON
SA IYANG KAUGALINGON
ALANG SA PAG-ANHI SA GINOO**

MAHINUNGDANONG MGA PAMAHAYAG

Aron makasabot sa kahulogan sa pagsulod sa mga Israelinhon sa Canaan ug sa pakig-away sa Canaan, kinahanglan masayod ta nga dunay duha-ka-pilong kahulogan sa tipolohiya ang Canaan: sa positibong bahin, ang Canaan, nga yuta sa kadato, naghulagway sa malangkobon-sa-tanan nga Cristo ug sa dili matugkad nga kadato Niya; sa negatibong bahin, nagtimaan ang Canaan sa bahin sa kahanginan, ang langitnong bahin, sa ngitngit nga gingharian ni Satanas, ang kalangitan nga puno sa pwersa ni Satanas.

Kon buot tang hingpit nga makapanag-iya ni Cristo nga maayong yuta, magbantay gyod ta basin naa tay daotang kasingkasing sa pagkawalay-pagtu; bansayon gyod nato ang atong espiritu sa pagtu ug sigeng iliso ang atong kasingkasing sa Ginoo nga kinasingkasing tang motuo sa Iyang mga saad, motuo nga nag-uban Siya sa Iyang katawhan, ug motuo nga makahimo kaayo ta sa pagdaog.

Nagsalin ang katawhan sa Israel og pahat sa ilang abot gikan sa pagpangabudlay nila sa maayong yuta sa tuyo nga mosimba sa Dios; kon matinumanon tang mangabudlay diha sa malangkobon-sa-tanan nga Cristo, maato ang kadato ni Cristo ingon nga abot aron ikapasundayag diha sa iglesia ug aron dunay kapin nga Cristo nga madala sa mga tigom sa iglesia aron hiniusang magsimba sa Dios diha sa espiritu ug diha sa pagkamatitud-anon.

Modulot gyod unta ang buhing pulong sa Dios sa atong pagkatawo ug magpagawas nato sa atong paghunahuna ug paglaaglaag sa kalag ngadto ni Cristo nga pahulay sa Igpahulay diha sa atong espiritu; dili gyod unta ta mag-ukon-ukon, maglaaglaag sa atong kalag; dumilian gyod hinuon nato ang kalag ug mopadayon ngadto sa atong espiritu aron makaambit ug makapahimulos sa langitnong Cristo ug makasalmot ta sa pahulay sa gingharian sa Iyang paghari sa millennium.

Mensahe 1

Makig-away alang sa Maayong Yuta

Basahong Kasulatan: Jos. 1:2-6, 13; Efe. 2:2; 6:12; Col. 1:12-13

I. Kon ayohon natog basa ang Kasulatan, makita nato nga dunay pakig-away alang sa maayong yuta—Jos. 1:2-6, 13:

- A. Nangingkamot si Satanas, nga kaaway sa Dios, kutob sa iyang mahimo nga maulang ang katawhan sa Dios sa pagpanag-iya ug pagpahimulos ni Cristo nga maayong yuta—Efe. 2:2; 6:12.
- B. May kalabotan sa maayong yuta ang tanang pakig-away sa Daang Tugon—Jos. 1:2-6; 5:11—6:27.

II. Aron makasabot sa kahulogan sa pagsulod sa mga Israelinhon sa Canaan ug sa pakig-away sa Canaan, kinahanglan masayod ta nga dunay duha-ka-pilong kahulogan sa tipolohiya ang Canaan—Col. 1:12; Efe. 1:3; 2:2; 6:12:

- A. Sa positibong bahin, ang Canaan, nga yuta sa kadato, naghulagway sa malangkobon-sa-tanan nga Cristo ug sa dili matugkad nga kadato Niya—Deut. 8:7-10; Col. 1:12; Efe. 3:8:
 - 1. Ang maayong yuta maoy kinahingpitang hulagway ni Cristo nga makita sa Kasulatan—Deut. 8:7.
 - 2. Ang maayong yuta, ang yuta sa Canaan, hulagway ni Cristo nga tanan ug naa sa tanan ug maoy tanan alang nato—Efe. 3:8.
 - 3. Sa Biblia hulagway, simbolo, ni Cristo ang yuta—Gen. 1:9; 2 Ped. 3:5:
 - a. Ang yutang nitungha gikan sa mga tubig sa kamatayon sa ikatulong adlaw sa Genesis 1:9-10 ug 13 hulagway sa nabanhawng Cristo nga nigula gikan sa kamatayon sa ikatulong adlaw.
 - b. Ang tuyo sa Dios nga gipadayag sa Kasulatan mao nga mahimo gyod untang yuta nato si Cristo—Deut. 8:7-10.
- B. Sa negatibong bahin, nagtimaan ang Canaan sa bahin sa kahanginan, ang langitnong bahin, sa ngitngit nga gingharian ni Satanas, ang kalangitan nga puno sa pwersa ni Satanas—Efe. 2:2; 6:12:
 - 1. Dunay iyahang pagbulot-an ug mga manulonda si Satanas, nga mga sakop niya ingon nga mga pamunoan, kagamhanan, ug mga magbubuot sa kangitngitan ning kalibotana; busa, duna siyay gingharian, ang pagbulot-an sa kangitngitan—Buh. 26:18; Mat. 12:26; 25:41; Efe. 6:12; Col. 1:13.
 - 2. Hangtod ning adlaw, gitaptapan sa daotang pwersa ang malangkobon-sa-tanan nga Cristo aron dili makita sa katawhan sa Dios—2:8, 18; 2 Cor. 4:4.
 - 3. Gipakita sa basahon sa Efeso nga dunay nagkalainlaing sapaw sa kalangitan—1:3; 2:2; 6:12:
 - a. Naa si Cristo sa kinahabogang sapaw, sa ikatulong langit, aron mahimong tanan nato isip maayong yuta nato—Deut. 8:7-10.

Mensahe 1 (sumpay)

- b. Dunay ubos-ubos nga sapaw sa kalangitan—ang kahanginan, diin giulang ni Satanas nga magbubuot sa pagbulot-an sa kahanginan ang mga tawo sa yuta aron dili sila makakontak sa Dios ug modawat ni Cristo; gihulagwayan kini sa mga Canaanhon, nga nag-ulang sa Israel sa pagsulod sa maayong yuta—Efe. 2:2.
- 4. Naghulagway ang mga Canaanhon sa hulog nga mga manulonda, sa masupilong mga manulonda nga nisunod ni Satanas, nga nahimong kagamhanan, mga magbubuot, ug mga pagbulot-an sa gingharian ni Satanas, ang espirituhanong pwersa sa daotan sa kalangitan—Bug. 12:4, 7; Efe. 6:12.

III. Nagtimaan sa nagkalainlaing aspeto sa natural nga kinabuhi nato ang nagkalainlaing paganong banay nga nag-okupar sa yuta:

- A. Ang mga dios (mga diosdios) sa paganong mga banay (Exo. 23:24), uban sa mga demonyo luyo niini (itandi sa 1 Cor. 10:20), nagrepresentar sa espirituhanong pwersa sa daotan (Efe. 6:12).
- B. Luyo sa natural natong kinabuhi naa ang pwersa sa daotan (itandi sa Mat. 16:23, nota 1), nga naggamit, nagmaniobra, ug nagmando sa mga aspeto sa natural natong kinabuhi aron maulang ta sa pagpanag-iya sa malangkobon-sa-tanan nga Cristo ug sa pagpahimulos sa kadato Niya.
- C. Kay giulang man ta sa natural nga kinabuhi sa pagpanag-iya ni Cristo ug pagpahimulos Niya, dumtan gyod nato kini (Luc. 14:26) ug, sa magtubo ta diha ni Cristo, kinabubut-on gyong moabog niini.
- D. Dili kas-ahon pagpuo sa Dios ang natural nga kinabuhi nato, nga gitiman-an sa paganong mga banay, kay mabasiyo man unya ta sa sulod ug mameligro nga malukoban sa mga demonyo, nga gitiman-an sa mga mananap sa kapatagan—Exo. 23:29; itandi sa Mat. 12:43-45:
 - 1. Inanay, ginagmay nga puohon sa Dios ang natural nga kinabuhi nato, segun sa tinuboan nato diha sa diosnong kinabuhi—Exo. 23:30.
 - 2. Labi nga modako si Cristo sa sulod nato, labi sab nga pulihan Niya ang natural natong kinabuhi.
- E. Nisaad ang Dios nga abogon ang paganong mga banay (vv. 29-30), apan mobulig gyod ang Iyang katawhan Kaniya sa pag-unaunag laglag kanila—vv. 31-33; itandi sa Rom. 8:13; Gal. 5:24; Col. 3:5; Fil. 2:12-13.
- F. Labi nga modako si Cristo sa sulod nato, labi sab tang makabulig sa Dios sa pag-abog sa natural nga kinabuhi.

IV. Kon buot natong mapanag-iya ang maayong yuta aron matuman ang tuyo sa Dios, makig-away gyod ta sa espirituhanong pakig-away aron mapildi ang satanasnong pwersa—Jos. 6:21:

- A. Kinahanglan makaamgo ta sa panginahanglan sa espirituhanong

MAKIG-AWAY ALANG SA MAAYONG YUTA

Mensahe 1 (sumpay)

- pakig-away—ang pakig-away tali sa gingharian ni Satanas ug sa gingharian sa Dios—Mat. 6:10; 7:21; 12:26, 28; Isa. 14:12-14.
- B. Sa andam nang manag-iya sa yuta sa Canaan ang Israel, nalukop ang yuta og mga tawong gilukoban-og-demonyo, mga tigsimbag diosdios, ug mga Nephilim—Num. 13:33.
- C. Kay nagpuyo man sa yuta sa Canaan ang mga Nephilim, nga panagsagol sa hulog nga mga manulonda ug sa hulog nga tawo, gisugo sa Dios ang mga anak sa Israel nga ilogon kining yutaa ug laglagon ang tanang buhing binuhat didto aron maputli ang kaliwat sa tawo—Deut. 7:1-2:
1. Segun sa diosnong hunahuna, puohon gyod ang mga nasod sa yuta sa Canaan kay yawan-on man sila ug nasagolag mga demonyo—v. 2; Jos. 11:21-22; 14:6-14.
 2. Dili lang nagtimaan sa hulog nga mga manulonda ang mga Cananohon kondili sa mga tawo sab nga nakig-usa sa daotang mga espiritu, sa satanasnong gahom sa kangitngitan nga naa sa kahanginan—Num. 14:45.
- D. Ang mga hari sa Arad, (21:1), sa mga Amorehanon (v. 21), ug sa Basan (v. 33) mao ang mga “bantay sa ganghaan” sa silangan sa Jordan, nga nagbantay sa yuta sa Canaan, sa gingharian sa kangitngit, alang ni Satanas:
1. Nagtimaan ang mga haring gipildi sa kasundalohan sa Dios sa mga magbubuot, mga pagbulot-an, ug mga magbubuot-sa-kalibotan sa kangitngit, nga niini makigbisog gyod ta—Efe. 6:12.
 2. Aron makasulod ang mga anak sa Israel sa maayong yuta, moagi gyod sila sa teritoryong gikontrol ning mga haria ug makig-away gyod nila, maglaglag nila, ug manag-iya sa ilang teritoryo.
 3. Aron mabatonan nato ang dili matugkad nga kadato ni Cristo, dugmokon gyod nato ang espirituhanong mga kaaway nga gitiman-an sa hari sa Arad, ni Sihon nga hari sa mga Amorehanon, ug ni Og nga hari sa Basan—3:8; 6:10-12.
- E. Ang pagpakig-away sa Israel batok sa mga lumulupyo sa yuta naghulagway sa dili makitang espirituhanong pakig-away nga nahitabo luyo sa makitang talan-awon dinhi sa yuta—Dan. 10:10-21; Efe. 6:10-20:
1. Mahinungdanon nga makita nato nga luyo sa mga hitabo naay espirituhanong pakigbisog nga dili makita sa mga mata sa tawo.
 2. Gawas sa gubat dinhi sa yuta, dunay gubat tali sa Dios ug sa satanasnong pwersa sa kahanginan—2:2; 6:12.
- F. Ang pagpakig-away sa mga anak sa Israel sa mga Cananohon aron mapanag-iya ug mapahimuslan nila ang maayong yuta naghulagway sa espirituhanong pakig-away sa iglesia sa kinatibuk-an, lakip na ang tanang bahin, batok “sa espirituhanong pwersa sa daotan diha sa kalangitan” (v. 12) aron makapahimulos ang mga balaan ni Cristo nga malangkobon-sa-tanan nga yuta.

MGA TALAMDAN SA PAGBANSAY

Mensahe 1 (sumpay)

- G. Si Cristo ang atong maayong yuta, ug buot ang Dios nga mabatonan nato si Cristo, apan dunay nag-ali nga yawan-on, demonyohanong pwera tali nato ug sa maayong yuta; kon buot tang makapanag-iyang sa maayong yuta aron atong mapahimuslan, pildihon gyod nato kining satanasnong pwera—Col. 1:12-13; 2:15; Efe. 3:18; 6:11-12:
1. Dunay hilabihan katinuod nga espirituhanong pakig-away nga awayon gyod nato; makig-away gyod ta aron mabatonan ang mangkoberon-sa-tanan nga Cristo ug matukod ang iglesia nga Lawas ni Cristo, ang bag-ong tawo, ug ang gingharian sa Dios—vv. 10-12; 1 Tim. 6:12a; 2 Tim. 2:3-4; Col. 1:13, 18; 2:19; 3:10-11.
 2. Kon buot tang makapanag-iyang ni Cristo aron atong mapahimuslan, kinahanglan mahimo tang hiniusang mag-aaway, ang iglesia nga Lawas ni Cristo, nga makig-away ug mopildi sa satanasnong pwera aron labi pa natong mabatonan si Cristo para matukod ang Lawas ni Cristo, magtukod ug magpakaylap sa gingharian sa Dios aron makabalik si Cristo ug manunod sa yuta—Efe. 3:8; 4:16; Mat. 24:14; Bug. 11:15.